

Das Haus von Rocky Ducky (VPA-Version 2018, OA)

Mir sind alt und runzlig, hässlich,
mir sind alt und kahl und grau,
Mier sind tattrig und vergesslich
und bim Schiffe merkt mers au.
Mir sind zapplig, wirr und fahrig
Und was suscht mir alles hei,
Rheuma, Gicht, defür no immer schnelli Bei.

Ref.: Mir sind die alte Pensionierte
dahei in Aesch bigott,
mir wandrid jede Dunnstig
und das no immer flott.
Mir sind die alte Pensionierte,
es isch phänomenal:
Bim Laufe und bim Trinke sind mir nu ersti Wahl.

Künstlich Glenk sind i der Hüfte
und im Muul häts Implantat
und zum Lese bruchsch än Brülle,
Häsch än Hörhilf-Apparat.
Uff Gluten da bisch allergisch,
an der Nase häts Lipom,
und im Darm da häts Polyp` ,
Häsch än Morbus oder irgend äs Syndrom.

Ref.

Mir sind alt, doch lang nid ranzig,
mir sind alt doch nid senil.
und mit Bergschuh a de Schaiche
simmer dä nu sau mobil.
Säcklid quer durch Wald und Felder
über Wurzle, Stock und Stei.

Gahts in Spunte chunnt mer sicher nid früeh hei. Ref.